

La situaziun en l'investgieu da Cuira è sa calmada

In merit dad investg Amédée Grab che cumplenescha oz ils 70

■ (anr/gc) Igl è in onn e mezz ch'Amédée Grab è vegni installà cun 68 onns – suenter la tscherna tras il chapitel catedral – sco investg diocesan da Cuira. L'anteriuor chau da l'investgieu da Losanna, Genevra e Friburg n'ha betg surpiglià ina incarica fitg leva da ses antecessur Wolfgang Haas. Ad investg Amédée Grab, che cumplenescha gist oz ils 70, èsi dentant reussi da calmar fitg la situaziun polarisada en la diocesa da Cuira. Cun el, in um dal dialog e zunt conciliant e curtaschavel, ha ina nova epoca entschavi. Na che tuts problems fissan schliads, ma l'atmosfera è sa meglierada considerablmain. L'investg giada gronda stima e blera acceptanza. El po pia anc cuntinuar insaquants onns da far punts en in temp ch'è tut auter che simpel.

Derivanza ed activitads

Uvestg Grab discorra tuts quatter linguatgs naziunals. Tudestg, franzos e talian dominescha el perfetgamain ed era cul rumantsch vai adina meglier. Ma era nà da sia derivanza ed activitad spirituala e professionala enconuscha el bain las diversas regiuns da noss pajais. Perquai era el bain preparà da surpigliar la di-

recziun da l'investgieu da Cuira sut zunt grevas circumstanzas.

Amédée Grab – e quai na sanblers betg – è burgais da Sviz. El deriva pia d'in chantun che s'auda dapi il 19. tschientaner definitivamain tar la diocesa da Cuira. Naschè è Antoine-Marie dentant il 3 da favrer 1930 a Turitg e creschè si a Genevra. La matura fa el a Nossadunnaun ed è alur entrà là en claustra. 1953 suonda il profess ed in onn pli tard vegn el ordinà spiritual. Da 1955–1978 ha el instrui al collegi Papio ad Ascona (Tessin). Suenter ses return a Nossadunnaun ha el anc dà scola là el gimnasi.

Fatg spert gronda carriera

1984 daventa il benedictin Amédée Grab secretari da la Conferenza episcopala svizra. In onn pli tard ha la visita da papa *Gion Paul II* lieu en Svizra. Tras quest post impurtant sa dattan numerus contacts sin champ internaziunal. 1987 entschaiva sia carriera ecclesiastica per propi. El vegn numnà uvestg auxiliar da Losanna, Genevra e Friburg. La consecraziun episcopala è a Friburg. Ma sco emprim uvestg dapi la reformaziun residiescha Amédée Grab en la citad da Calvin: a Genevra. Ses engaschi vegn

apprezià fitg e sia personalitad reconuschida pervia da sia concilianza e prontezza per il dialog.

1995 daventa msgr. Grab – sco successur da Pierre Mamie – uvestg diocesan da Losanna, Genevra e Friburg. Sco tal na prenda el betg decisiuns solitarias, mabain adina en discurs e deleghescha blier. Dapi 1997 è el era president da la Conferenza episcopala svizra. Quest uffizi porta bleras obligaziuns supplementaras. Pervi da sia gronda activitad, ses numerus contacts naziunals ed internaziunals e lunga experientscha professionala era el predestinà per daventar 1998 uvestg da Cuira. La diocesa sa chattava alur en ina situaziun fitg delicata.

Respectà pervi da toleranza e concilianza

Amédée Grab ha acceptà la nomina, è vegni senza pregiudizis a Cuira ed ha er continuà qua sia politica sa cumprovada. El ha prendì pliras decisiuns pertutgant il persunal. Ma era el è vegni confrontà cun grevs problems. Inagiada èsi la gronda mancanza da spirituals e finanzas. Ma era il pitschen dumber dad absolvents a la Scola auta teologica a Cuira al fa quitads, uschia ch'ins patratga schizunt da la serrar cun il temp.

Decisiv è che la situaziun è sa calmada en la diocesa. Quai fatg vegn reconuschì generalmain e munta pil giubilar sco per ils diocesans e las diocesanans in bel regal sil giubileum da 70 da l'investg Grab gist en l'onn sogn. Era las relaziuns tranter il chantun Grischun e la sedia episcopala èn puspè bunas. L'emna passada è il cussegl grond stà sin visita tar l'investg Grab. Deputads e deputadas èn stàds fitg impressiunads. La presidenta ha taxà il retscheviment dal chau diocesan sco in punct culminant da la sessiun dal schaner.

Uvestg Amédée Grab è il dretg um sin il dretg post en il dretg mument. Nus sperain gugent ch'el possia anc cuntinuar insaquants onns cun questa activitad, segnada da success e benedicziun.

A Cuira (sedia) ha lieu venderdi, ils 4 da favrer allas 16.15 ed a Turitg (citad da naschientscha) dumengia, ils 6 da fevrer allas 16.00 en la baselgia da Nossadunna (Liebfrauen) mintgamai in servetsch divin festiv da commemoraziun per uvestg Grab sin ses 70 onns.



L'investg Amédée Grab sa festivar oz ses 70avel anniversari.

KEYSTONE